



# NEWSLETTER BR. 58

MART 2021

## FIPA AKTIVNOSTI ≡ SADRŽAJ

- » POTPISAN MEMORANDUM O SARADNJI S UREDOM ZA INVESTICIJE PRI PREDSDJEDNIŠTVU REPUBLIKE TURSKE
- » DIREKTORICA FIPA-E NA SASTANKU S AMBASADORICOM SR NJEMAČKE U BIH
- » DIREKTORICA FIPA-E MILICA MARKOVIĆ SUSRELA SE S AMBASADOROM IRANA U BOSNI I HERCEGOVINI

## FIPA POSLOVNE VIJESTI ≡

- » OSNOVANA FIRMA LIDL BH SA SJEDIŠTEM U SARAJEVU: NJEMAČKI GIGANT ZVANIČNO DOLAZI U BIH
- » POSJETA KOMPANIJI EASTERN MINING
- » NJEMAČKI SELZER PRIPREMA IZGRADNJU TREĆEG OBJEKTA U RAJLOVCU
- » SLOVENAČKI CABLEX U PRIJEDORU IDUĆEG MJESECA OTVARA PROIZVODNI POGON



≡ IZDVOJENO

≡ POZIV KOMPANIJAMA IZ BIH ZA UČEŠĆE NA  
CHINA-CEEC EXPO I INTERNATIONAL CONSUMER  
GOODS EXPO

Ningbo centar za promociju zemalja centralne i istočne Europe i promociju saradnje poziva kompanije iz Bosne i Hercegovine da učestvuju na China-CEEC Expo i International Consumer Goods Expo, koji bi trebao biti održan u Međunarodnom kongresno-izložbenom centru Ningbo u junu 2021. godine.

Ningbo centar za promociju zemalja centralne i istočne Europe želi pružiti podršku predstavljanju bosansko-hercegovačkih kompanija i njihovih proizvoda u Kini.

Izlagači na sajmu Kina-CEEC EXPO 2021 godine imat će slijedeće mogućnosti:

1. Besplatan štand: Izlagači koji se prijave za Nacionalni paviljon CEEC-a dobit će besplatan štand nakon što dobiju odobrenje nadležne agencije odgovarajuće države / regije
2. Preferencijalna politika za kupovinu robe: Ugovori sklopljeni na licu mjesta u iznosu većem od 20.000 dolara tokom sajma subvencionisaće se na osnovu kupovine i carinskih dokumenata.

Poveznica za registraciju je na donjem linku, Uputa izlagača 2021. Kina-CEEC Expo  
<https://online.cceecexpo.org/purchaser-pubinfo/country.html>

Da biste se prijavili za izlaganje proizvoda, kontaktirajte Ningbo zemalja centralne i istočne Europe Tu Siyuan

Kontakt broj: 86-574-89387229

E-pošta: [tusy@cceecexpo.org](mailto:tusy@cceecexpo.org)



中国-中东欧国家博览会  
CHINA-CEEC EXPO

# FIPA AKTIVNOSTI ≡

## ≡ POTPISAN MEMORANDUM O SARADNJI S ≡ UREDOM ZA INVESTICIJE PRI PREDSJEDNIŠTVU REPUBLICKE TURSKE

Agencija za unapređenje stranih investicija BiH (FIPA) potpisala je 16. marta 2021.godine u Ankari Memorandum o saradnji s Uredom za investicije pri Predsjedništvu Republike Turske s ciljem pružanja podrške razvoju investicione saradnje između dvije zemlje, stvaranja povoljnih uslova za poboljšanje ekonomske saradnje, te uspostavljanja direktnih kontakata između poslovnih krugova u BiH i Turskoj.

Institucije su se obavezale da će osigurati razmjenu javno dostupnih informacija iz sfere privrede, kao i uspostavljanje saradnje s organizacijama iz poslovnog okruženja obje zemlje, te organizaciju prezentacija o mogućnostima ulaganja.



Radit će zajednički na promociji potrebnih investicija i stvaranju klime koja će dovesti do ulaganja, pružat će informacije o investicionim aktivnostima koje realizira investitor, te će zajednički učestvovati u investicionim projektima.

Takođe, povezivat će privrednike s ciljem uspostavljanja saradnje između poslovnih organizacija, radit će na poboljšanju poslovnog okruženja i saradivati na promociji i organizovanju posjeta na visokom nivou, vladinih institucija, privatnih i javnih preduzeća i drugih relevantnih institucija.

Potpisivanje Memoranduma o saradnji s navedenim Uredom omogućit će značajniju promociju mogućnosti bh. privrede na tržištu Turske, značajnije predstavljanje projekata za investiranje, te više zajedničkih susreta privrednika obje zemlje s ciljem intenziviranja ekonomske i investicione saradnje.





# ≡ DIREKTORICA FIPA-E NA SASTANKU S AMBASADORICOM SR NJEMAČKE U BIH

-DOGOVOREN NASTAVAK SARADNJE NA PRIVLAČENJU STRANIH INVE-  
STICIJA IZ NJEMAČKE

Direktorica FIPA-e Milica Marković upoznala je ambasadoricu SR Njemačke u BiH Nj.E. Margret Uebber Nj.E. o radu i nadležnostima Agencije, ističući da FIPA pruža informacije, analize i savjete potencijalnim investitorima o poslovnom i investicijskom okruženju, uključujući zakonodavstvo koje se odnosi na direktna strana ulaganja.

Tu su takođe i informacije o ekonomskim kretanjima u zemlji, prezentacija prilika za ulaganja, uključujući investicijske projekte u fazi razvoja ili projekte koji su već spremni za realizaciju, te pružanje pomoći potencijalnim investitorima i onima koji su već investirali u zemlji kroz "aftercare" program i saradnju s lokalnim, regionalnim i međunarodnim organizacijama s ciljem poboljšanja okruženja za ulaganje.



Takođe je govorila o aktivnostima koje FIPA-a ima namjeru da sprovede na tržištu Njemačke u narednom periodu, a koje uključuju i organizaciju "outreach" kampanje i učešće na određenim sajmovima.

Direktorica Marković je dogovorila s ambasadoricom Uebber i rukovodiocem Ekonomskog odjela Ambasade Michaelom Passlickom intenziviranje saradnje, uključujući i učešće FIPA-e na sastancima Stalne radne grupe između Savezne Republike Njemačke i Bosne i Hercegovine.

Na sastanku je istaknuto da Savezna Republika Njemačka i Bosna i Hercegovina već više od 25 godina održavaju bliske diplomatske odnose, da je Njemačka jako važna za Bosnu i Hercegovinu i njene kompanije, te samu FIPA-u s aspekta privlačenja direktnih stranih investicija i intenziviranja ekonomske i trgovinske saradnje.

Njemačka, kao zemlja s investiranih 752.2 miliona KM je na listi zemalja najznačajnijih investitora u BiH, a već godinama je najvažniji bilateralni trgovinski partner Bosne i Hercegovine.



## DIREKTORICA FIPA-E MILICA MARKOVIĆ SUSRELA SE S AMBASADOROM IRANA U BOSNI I HERCEGOVINI

-IRANSKE KOMPANIJE ZAINTERESOVANE ZA ULAGANJA U BIH

Ambasador Islamske Republike Iran N.J.E. Reza Ghelichkhan posjetio je Agenciju za unapređenje stranih investicija u BiH (FIPA) i susreo se s direktoricom Milicom Marković.

Ambasador Ghelichkhan je naveo da su iranske kompanije posebno zainteresovane za ulaganja u oblasti energetike, poljoprivrede, metalo-prerađivačke i automobilske industrije.

Direktorica Marković je upoznala ambasadora i njegove saradnike s radom Agencije, mogućnostima za ulaganje u BiH, saradnji FIPA-e s nadležnim institucijama, te koordinaciji rada institucija BiH na polju privlačenja stranih investicija. Istaknula je da je Bosna i Hercegovina najveći izvoznik električne energije u regionu, da ima jednu od najnižih cijena električne energije u Europi, da je stopa poreza na dobiti kompanija svega 10%, a imamo i brojne ugovore o slobodnoj trgovini koji omogućavaju izvoz na mnoga tržišta bez carina, dok su cijene iznajmljivanja i kupovine lokacija za ulaganje, uključujući i slobodne i industrijske zone veoma konkurentne.





Dogovorena je saradnja na predavljanu i povezivanju iranskih kompanija i vlasnika projekata iz Bosne i Hercegovine kada se steknu epidemiološki uslovi, te organizacija poslovnog foruma.

Direktorica Marković je navela da FIPA pruža podršku investitorima tokom svih faza investicijskog ciklusa, počev od dobijanja početnih informacija, zatim kroz proces realizacije samog projekta, a nakon toga i kroz aftercare program investitorima se pruža podrška u rješavanju poteškoća s kojima se suočavaju.

FIPA će biti na raspolaganju i pružiti svoje usluge svim potencijalnim investitorima.



## ≡ OSNOVANA FIRMA LIDL BH SA SJEDIŠTEM U SARAJEVU

- NJEMAČKI GIGANT ZVANIČNO DOLAZI U BIH

Početni kapital kompanije Lidl BH d.o.o. je oko million maraka.

Formalni osnivač je firma W E-International Zweite GmbH, a sjedište društva je u Sarajevu.



## ≡ POSJETA KOMPANIJI EASTERN MINING

Predstavnici FIPA-e i Općine Vareš posjetili su kompaniju Eastern Mining koja je u vlasništvu firme Adriatic Metals pls. iz Ujedinjenog Kraljevstva.

Eastern Mining posluje u Bosni i Hercegovini od 2013. godine, a od 2017. godine preuzeli su je investitori iz UK. Posluju u sektoru rudarstva, te trenutno rade geološka istraživanja. Do 2023. planiraju postati najveći izvoznik u BiH, i zaposliti značajan broj radnika.

Tokom sastanka, predstavnici kompanije su kao jedan od izazova istakli pronalaženje radne snage koja je potrebna za realizaciju svih aktivnosti.

Iako su prepreke na samom početku djelovanja u BiH, bile određene administrativne barijere, istakli su da se u posljednjem periodu bilježi mnogo efikasnija i tješnja saradnja s predstavnicima nadležnih institucija, što je za rezultat imalo i nedavno dobijanje eksploatacijske i okolišne dozvole.

Predstavnici kompanije su se pozitivno izjasnili o poslovanju u BiH, te su istakli i da je BiH odlična destinacija za investitore.

## ≡ NJEMAČKI SELZER PRIPREMA IZGRADNJU TREĆEG OBJEKTA U RAJLOVCU

Renomirana njemačka kompanija iz sektora autoindustrije Selzer koja je prošle godine započela svoje poslovanje u Rajlovcu, širi svoje kapacitete. Nakon što je prošle godine završila svoj prvi objekat, započela je izgradnju drugog.

Nakon što su u proteklim godinama izgrađeni pogoni za potrebe kompanije Veritas u kojima je zaposleno blizu 400 radnika, u prošloj godini na lokalitet Rajlovca stigla je i renomirana njemačka kompanija Selzer.

Izgradnja njihovog prvog objekta površine 5.000 m<sup>2</sup> završena je u avgustu 2020. godine, a nedavno je započela izgradnja drugog objekta istog kapaciteta dok se uveliko vrše pripreme za izgradnju i trećeg objekta na površini od 10.000 m<sup>2</sup>.

## ≡ SLOVENAČKI CABLEX U PRIJEDORU IDUĆEG MJESECA OTVARA PROIZVODNI POGON

Slovenačka kompanija Cablex bavi se proizvodnjom i prodajom kablovske opreme, ima 12 fabrika u više zemalja Evrope, a u Njemačkoj centralno skladište.

Firma proizvodi dijelove za kompanije "Bosch", "Miler", "Elektrolux", "Stihl", te, posredno, i za njemačku auto-industriju odnosno "BMW", "audi" i "mercedes".

U Aleksandrovcu zapošljava 435 radnika, a uskoro se otvara izdvojena jedinica u Prijedoru odakle je 30 radnika već na obuci.

Sredinom idućeg mjeseca u planu je da se puste u pogon mašine u Prijedoru. Za početak će to biti dijelovi za firmu "Bosch", a za dalje se predviđa proširenje djelatnosti i zapošljavanje još radnika.





## MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



## USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identifikira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



## DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Dubrovačka 6.  
71000 Sarajevo  
Tel: +387 22 278 080  
Fax: + 387 33 278 081  
e-mail : [fipa@fipa.gov.ba](mailto:fipa@fipa.gov.ba)  
[www.fipa.gov.ba](http://www.fipa.gov.ba)

Ured FIPA-e Mostar  
Kneza Višeslava, Office 54.  
88000 Mostar  
Tel/Fax: +387 36 558 815  
E-mail: [mostar@fipa.gov.ba](mailto:mostar@fipa.gov.ba)

Ured FIPA-e Banja Luka  
Jovana Surutke 13/III  
78000 Banja Luka  
Tel/Fax: + 387 51 226 180  
E-mail: [banjaluka@fipa.gov.ba](mailto:banjaluka@fipa.gov.ba)

[www.fipa.gov.ba](http://www.fipa.gov.ba)

Pratite nas na Facebook, YouTube, LinkedIn, Twitter



A map of Europe with white outlines of countries on a blue background. The country of Bosnia and Herzegovina is highlighted with a semi-transparent version of its national flag, which features a yellow triangle at the top, a blue triangle at the bottom, and a white diagonal line with seven white stars in the center.

# INVEST IN BOSNIA AND HERZEGOVINA YOUR NEW OPPORTUNITY

[WWW.FIPA.GOV.BA](http://WWW.FIPA.GOV.BA)